



ՊԱՇՏՈՆԱԿԱՆՔ

ՊԱՇՏՈՆԱԿԱՆ ԱԶԴ

Ի ԴԻՒԱՆԷ ՎԵՀԱՓԱՌ ՀԱՅՐԱՊԵՏԻ

1900 թուի Ապրիլի 25-ին թ. 43 դրութեամբ Ս. Պետերբուրգի և Մոսկուայի Հայոց եկեղեցեաց պատուաւոր Հոգաբարձու պայծառափայլ իշխան Ս. Ս. Աբամելիք Լազարեանց պաշտօնապէս յայտնեց Նորին Ս. Օծութեան ազգիս Վեհափառ Հայրապետին, թէ ի յիշատակ իւր նախահաւ ի Տէր հանգուցեալ Յովհաննէս Լազարեան Լազարեանցի մահուան հարիւրամեկին (1801 Հոկտ. 24), համաձայնութեամբ Ս. Պետերբուրգի եկեղեցեաց Խորհրդին, որոշում է մշտական քսան նոր թոշակաւորների ընդունելութիւնը հայ հոգեւորականների երեխաներից Մոսկուայի Լազարեան ճեմարանում, թողնելով նոր օրգեդիրների ընտրութիւնը Նորին Սրբութեան Ամենայն Հայոց Վեհափառ Հայրապետին: Այդ լուրը հրատարակուելով և Տփլիս հայ լրագրութեանց մէջ, սկսուեցին հետզհետէ հայ քահանաների կողմից խնդիրներ հասնել Վեհ. Հայրապետին իրենց օրգւոց ընդունելութեան համար՝ որոշուած քսան օրգեդիրների շարքում: Անցեալ 1901 թուի Մայիս ամսին սկսուելով խնդրատուների օրգւոց ընտրութիւնը, հետզհետէ մինչև նոյեմբեր ամսի 15-ը, ուղարկ-

ուեցան և ընդունուեցան Լազարեան ճեմարանի վարչութեան կողմից հետևեալ քսան աշակերտները:

Անուն եւ ազգանուն	Ծննդավայր	Գաւառ	Նահանգ
1. Օհան Գիւլնազարեան	Աշտարակ	Էջմիածին	Երևան
2. Հայկակ Գեօնջեանց	Աղբոնդրպ.	Աղէքսնդ.	»
3. Յովհաննէս Տ. Մինասեան	Գորի	Գորի	Տփլիս
4. Գէորգ Մելիքեան	Վլդկւկզ.	Վլդկւկզ.	Վլդկւկզ.
5. Պարոյր Տ. Աբրահամեանց	Բէխարէլ	Գորի	Տփլիս
6. Գրիգոր Ստամբուլցեան	Կարս	Կարս	Կարս
7. Իրաւափառ Սպանդուկի	Դերբենտ	Դաղստանի շրջան	
8. Արմենակ Թալանեանց	Ջարնջի	Աղէքսնդ.	Երևան
9. Թադէոս Գիւլնեանց	Թալին	Էջմիածին	»
10. Գրիգոր Այգինեանց	Աստրախ.	Աստրախ.	Աստրախ.
11. Աղէքսանդր Աբովեանց	Ջալալօղ.	Լոռի	Տփլիս
12. Արշալոյս Փանեանց	Ղուբա	Ղուբա	Բագու
13. Կարապետ Հաճեանց	Թօփոն դ.	Ն. Նխջ.	Ն. Նխջ.
14. Մելքոն Տ. Բաղդասարեան	Չալթր դ.	»	»
15. Պարոյր Ասլանեանց	Մրէնա դ.	Ախլբէք.	Տփլիս
16. Սամսոն Արքերեանց	Գետաշէն	Գանձակ	Գանձակ
17. Սեդրակ Տ. Յարութիւնեան	Կողր	Ղազախ	»
18. Գէորգ Թամանեանց	Ի Լզրեան.	Ճեմարանէ Մոսկւցի.	
19. Ստեփան Աւարատեան	Տփլիս	Տփլիս	Տփլիս
20. Ամովս Տ. Մովսիսեան	Շիկահոյ	Ջանդեզ.	Գանձակ

Իսկ ընդունուած աշակերտների ուղարկուելուց յետոյ շարունակուեցին նոր նոր խնդիրներ յանուն Վեհ. Հայրապետի նոյն ճեմարանի որոշուած քսան որդեգիրների հաշուով ընդունուելու համար և ապագային իբրեւ կանգիդատներ (եթէ հարկ լինի և վարչութիւնը նոր աշակերտներ պահանջէ) որոշուեցին հետևեալները որքան հնարաւոր էր փոքրահասակներէց վարչութեան գրածի համաձայն. կանգիդատները սորա են:

1. Գաբրիէլ Տ. Ռուբինեան	Արթիկ	Աղէքսնդ.	Երևան
2. Պարոյր Մամիկոնեան	Երևան	Երևան	»
3. Ենովք Տ. Յովհաննիսեան	Մեծ Պարի	Աղէքսնդ.	»
4. Ռուբէն Բաղդասարեան	Դերբենտ	Դաղստանի շրջան	
5. Աբգար Տ. Ստեփանեանց	Հադրութ	Ջանդեզ.	Գանձակ

6. Երգար Տ. Ստրգսեան	Փօթի	Փօթի	Քուծայ.
7. Մակարէ Մանուէլեան	Իգդիր	Իգդիր	Երևան
8. Շաւարշ Տ. Մատթէոսեան	Երևան	Երևան	»
9. Սուրէն Բաբայեան	»	»	»
10. Լևոն Հալաճեան	Արմաւիր	Արմաւիր	Պուր. շրջ.
11. Երգար Տ. Աւետիքեան	Բլեթանց	Զանգեզ.	Գանձակ
12. Գուրգէն Ափողեան	Աղբոնդրպ.	Աղբոնդր.	Երևան
13. Գեղամ Տ. Յարութիւնեան	Իւվա	Երևան	»
14. Հայկ Տ. Սիմէոնեան	Երևան	»	»
15. Արմենակ Աբուլեան	Տփլիս	Տփլիս	Տփլիս
16. Սուրէն Տ. Խաչատրեան	Բարանա գ.	Պաղախ	»
17. Արիստակէս Տ. Սմբատեան	Երանոս	Ն. Բյղտ.	Երևան
18. Ստեփան Թումանեան	Գանձակ	Գանձակ	Գանձակ
19. Երուանդ Տ. Գաբրիէլեան	Սաչխէրէթ	Քուծայ.	Քուծայ.
20. Մամբրէ Տ. Յակոբեան	Մլլբյղտ.	Էջմիած.	Երևան

Այսքան կանգիդատներից գուցէ շատ քչերին յաջողութիւն իրենց նպատակին հասնել, վասն զի ուղարկուած քսան որդեգիրները կարող են մնալ ամբողջ տարիներ և աւարտել ձեմարանի լիակատար դասընթացը, որով՝ մինչև նոցա աւարտելը և վարչութեան կողմից նորեր պահանջելը վերջին կանգիդատներէս տարիքը մեծանալով և անյարմար համարուելով չուղարկուին:

Ուստի և նորին Ս. Օթութեան Վեհ. Հայրապետի հրամանի համաձայն սորանով յայտարարուում է ա) Թէ ներկայ Յունուարից այլ ևս աշակերտ ընդունուելու խընդիրը վերջացած է և նորեր կը մնան անհետեանք՝ կրկին թուերը (ընդունածների և կանգիդատների) լրացած լինելու պատճառաւ: Բ) Կանգիդատ ընդունած աշակերտների ծնողները պէտք է ի նկատի ունենան, որ երեխաները՝ իբրև բացառութիւն (Կովկասցիների համար) կընդունուին Լաղարեան ձեմարանում առանց քննութեան 8—9 տարեկան: Իսկ տասն տարեկանից սկսած պարտաւոր են դնացող աշակերտները պատրաստականից սկսած Ա. Բ. Գ. և այլ դասարանների համար տալ գիմնադիական քննութիւն, այլապէս յետ կը դարձուին վարչութեան կողմից: Եւ Գ) աշակերտական կանգիդատները պէտք է

լինին առողջակազմ և ունենան իրենց հետ վարչութեան ներկայացնելու համար ծննդական, բժշկի և իրենց հայրերի կոչմանը (званія) վկայականը և 150 ռուբլի պատւարաստի փող:



Կ Ր Օ Ն Ա Կ Ա Ն

ԱՏՈՄԵԱՆՔ

Ատոմեանց մասին մեր ունեցած տեղեկութիւնները Յայսմաւուրքիցն են (օգոստ. 19) և Ճառընտիրներից: Վերջիններիս մէջ պահուած է Ատոմեանց ընդարձակ վկայարանութիւնը, հրատարակուած Սոփերք, ԺԹ, 69—82: Այս աղբիւրներիցն է առնուած ներքեւում լոյս տեսնող քերթուածի նիւթը: Ատոմեանց վկայարանութեան հեղինակն է Վարագի վանահայր Հայր Տաճատը, որի ժամանակը՝ ըստ մեր հետազոտութեան՝ չէ ուշ 10-դ դարից, բայց և ոչ կանուխ 7-դ դարի առաջին կիսից: Ուրիշ անգամ յոյս ունենալով վերագառնալ Տաճատ Վարագեցուն, այստեղ առ այժմ մի երկու տողով աւելորդ չենք համարում յիշեցնել ընթերցողներին Ատոմեանց պատմութեան համառոտութիւնը, ինչպէս որ հին աւանդութիւնից առած այդ գրի է առել Տաճատ Վարագեցին: Պարսից Յազկերտ թագաւորի ժամանակ արքունի Դուռն է կոչուում հրովարտակով հայ աղատագունդը: Երկու մեծ նախարար՝ Ատոմ Գնունին և Մանաճիհր Ռշտունին՝ իրենց մարդկանցով գտնուում էին հեռաւոր «մարզում», այսինքն սահմանադրւում երեւի այժմեան Անդրկասպեան երկրի հարաւում: Ստանալով արքունի հրամանը և լաւ գիտնալով որ կանչուում են Դուռը քրիստոնէութիւնն ուրանալու՝ մեծ արտմութեամբ ճանապարհ են ընկնում, երեւի դէպի արեւմուտք: «Եւ հասեալ ի կիցս ճանապարհին, որ զատանէր յաշխարհն Հայոց», այսինքն հասնում են ճանապարհի այն կէտը, որտեղ բաժանուում էր ուղին: Մի ճանապարհը տանում էր դէպի հարաւ—արքունի Դուռը, միւսը՝ դէպի արեւելք—Հայաստան, խոր-